



Broj: 16-12-16-2-6852-^B /20
I. Sarajevo, 22. 12. 2020. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 26. i člana 70. st. (1), (2), (3) i (6) Zakona o javnim nabavkama ("Službeni glasnik BiH", broj 39/14), na preporuku Komisije I za nabavke za potrebe Državne agencije za broj 16-12-16-2-6852/20 od 16.12.2020. godine, u ograničenom postupku javne nabavke policijske opreme, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u ograničenom postupku za dostavljanje ponuda za javnu nabavku policijske opreme za potrebe Državne agencije za istrage i zaštitu

Član 1.

U ograničenom postupku za dostavljanje ponuda za javnu nabavku policijske opreme za potrebe Državne agencije za istrage i zaštitu, za koji je obavještenje o javnoj nabavci broj 1161-2-1-213-3-40/20 od 15.10.2020. godine objavljeno na Portalu javnih nabavki i u "Službenom glasniku BiH" broj 67/20, ugovor se dodjeljuje i to za:

- LOT 1- nabavka 10 komada automatskih pušaka kalibra 5,56 mm, ponuđaču „KM TRADE“ d.o.o. Visoko, ponuda broj 16-12-16-6852-10/20 od 07.12.2020. godine, za ponuđenu cijenu od 114.885,00 KM bez uračunatog PDV-a;
- LOT 2 - nabavka 10 komada automata kalibra 9x19 mm, ponuđaču „KM TRADE“ d.o.o. Visoko, ponuda broj 16-12-16-6852-10/20 od 07.12.2020. godine, za ponuđenu cijenu od 44.955,00 KM bez uračunatog PDV-a;
- LOT 3 - nabavka 20 komada balističkih kaciga, ponuđaču "SHOT" d.o.o. Zenica, ponuda broj 16-12-16-6852-12/20 od 07.12.2020. godine, za ponuđenu cijenu od 47.800,00 KM bez uračunatog PDV-a.

Član 2.

Ponuđači iz člana 1. ove odluke obavezni su ugovornom organu u roku od pet dana od dana prijema ove odluke dostaviti dokaz o ispunjavanju uslova iz člana 45. Zakona o javnim nabavkama i člana 9. Pravilnika o postupku dodjele ugovora u oblasti odbrane i bezbjednosti (original ili ovjerena kopija).

Član 3.

Ova odluka se dostavlja ponuđačima u roku od tri dana, a najkasnije u roku od pet dana od dana donošenja Odluke, uz istovremeno objavljivanje na internet stranici Državne agencije za istrage i zaštitu.

Član 4.

Za realizaciju ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka stupa na snagu danom donošenja.

O b r a z l o ž e n j e

Odlukom broj 16-12-16-2-6852-1/20 od 14.10.2020. godine pokrenut je postupak javne nabavke policijske opreme za potrebe Državne agencije za istrage i zaštitu (u daljem tekstu: Agencija), putem ograničenog postupka, procijenjene vrijednosti 208.205,00 KM bez uračunatog PDV-a, za šta su novčana sredstva predviđena u okviru budžetskih sredstava za 2020. godinu.

Predmet javne nabavke podijeljen je na LOT-ove:

- LOT 1 - Automatska puška, kalibra 5,56 mm (10 komada), procijenjene vrijednosti 115.042,00 KM;
- LOT 2 - Automat kalibra 9x19mm (10 komada), procijenjene vrijednosti 45.300,00 KM;
- LOT 3 - Balistička kaciga (20 komada), procijenjene vrijednosti 47.863.00 KM.

Prema Tenderskoj dokumentaciji odabir ponuđača za javnu nabavku policijske opreme putem ograničenog postupka provodi se u dvije faze i to:

- Faza I - pretkvalifikacija;
- Faza II - dostavljanje ponuda.

U Fazi I - pretkvalifikacija i provjera kvalifikacije kandidata, Zahtjev za učešće u postupku javne nabavke policijske opreme dostavili su sljedeći kandidati:

Redni broj	Naziv ponuđača
1.	„KM TRADE“ d.o.o. Visoko
2.	„SHOT“ d.o.o. Zenica
3	„DANIAL’S“ d.o.o. Tešanj

Nakon provedene Faze I - pretkvalifikacija i provjera kvalifikacije kandidata, Agencija je na prijedlog Komisije I za provođenje postupka nabavke (u daljem tekstu: Komisija) donijela Odluku o rezultatima pretkvalifikacije u postupku javne nabavke policijske opreme za potrebe Agencije broj 16-12-16-6852-7/20 od 10.11.2020. godine, prema kojoj su kvalifikovani sljedeći kandidati: „SHOT“ d.o.o. Zenica (za LOT 1, LOT 2 i LOT 3), „KM TRADE“ d.o.o. Visoko (za LOT 1 i LOT 2) i DANIAL’S“ d.o.o. Tešanj (za LOT 3).

Agencija je kvalifikovanim ponuđačima dostavila Poziv za učešće u ograničenom postupku javne nabavke policijske opreme, prema kome je postupak javne nabavke podijeljen na lotove i to:

- LOT 1 - Automatska puška, kalibra 5,56 mm (10 komada), procijenjene vrijednosti 115.042,00 KM;
- LOT 2 - Automat kalibra 9x19mm (10 komada), procijenjene vrijednosti 45.300,00 KM;
- LOT 3 - Balistička kaciga (20 komada), procijenjene vrijednosti 47.863.00 KM.

Obzirom da je tačkom 22. Tenderske dokumentacije navedeno da je rok za dostavljanje ponuda 07.12.2020. godine do 12,00 sati, Komisija je dana 07.12.2020. godine u 13,00 sati izvršila otvaranje ponuda, gdje je utvrđeno da su blagovremeno dostavljene tri ponude, kako slijedi:

Redni broj	Naziv ponuđača	LOT	Vrijednost ponude (bez PDV-a)
1.	„SHOT” d.o.o. Zenica	LOT 1	115.000,00 KM
		LOT 2	45.000,00 KM
		LOT 3	47.800,00 KM
2.	“KM TRADE” d.o.o. Visoko	LOT 1	115.000,00 KM
		LOT 2	45.000,00 KM
3.	„DANIAL’S” d.o.o. Tešanj	LOT 3	46.000,00 KM

Komisija je aktom broj 16-12-16-6852/20 od 09.12.2020. godine od Jedinice za specijalnu podršku Agencije tražila stručno mišljenje u pogledu ocjene tehničkih uslova postavljenih u drugoj fazi ograničenog postupka javne nabavke policijske opreme, odnosno da li tehničke karakteristike odgovaraju zahtjevima postavljenim u Tenderskoj dokumentaciji. Jedinica za specijalnu podršku aktom broj 16-12-16-6852/20 od 10.12.2020. godine dostavila je Komisiji stručno mišljenje da ponude ponuđača “KM TRADE” d.o.o. Visoko i “SHOT” d.o.o. Zenica zadovoljavaju tražene tehničke karakteristike iz Tenderske dokumentacije, dok ponuda ponuđača “DANIAL’S” d.o.o. Tešanj ne zadovoljava tražene tehničke karakteristike.

Naime, Jedinica za specijalnu podršku Agencije je ustanovila da ponuđač “DANIAL’S” d.o.o. Tešanj nije dostavio Certifikat testiranja balističke kacige kao dokaz da balistička kaciga zadovoljava traženi nivo zaštite minimalno V50=650 m/s prema STANAG 2920 testirano sa projektilima mase 1,1 g, kako je traženo Tenderskom dokumentacijom. Takođe, utvrđeno je da balistička kaciga posjeduje platformu za montiranje NVG nosača (nosač za montiranje noćne vizije), dok ista ne posjeduje sam nosač za montažu noćnog monokulara, a koji je tražen Tenderskom dokumentacijom. Tenderskom dokumentacijom traženo je i dostavljanje oznaka za balističku kacigu u skladu sa Pravilnikom o posebnoj uniformi u Jedinici za specijalnu podršku Agencije, što ponuđač “DANIAL’S” d.o.o. Tešanj nije dostavio.

Cijeneći naprijed navedeno, uvažavajući stručna mišljenja Jedinice za specijalnu podršku, Komisija je zaključila da su ponude ponuđača “KM TRADE” d.o.o. Visoko (za LOT 1 i LOT 2) i “SHOT” d.o.o. Zenica (za LOT 1, LOT 2 i LOT 3) prihvatljive, dok ponuda ponuđača “DANIAL’S” d.o.o. Tešanj (za LOT 3) nije prihvatljiva.

Budući da je Tenderskom dokumentacijom predviđeno da se za postupak javne nabavke policijske opreme provodi e-aukcija, Komisija je za prihvatljive ponude ponuđača “KM TRADE” d.o.o. Visoko i “SHOT” d.o.o. Zenica, zakazala e-aukciju za dan 14.12.2020. godine za LOT 1 sa početkom u 10:00 sati i LOT 2 sa početkom u 10:30 sati, u trajanju od 10 minuta. Obzirom da je za LOT 3 ostala jedna prihvatljiva ponuda, e-aukcija nije zakazana.

Prema Izvještaju o toku i završetku e-aukcije od 14.12.2020. godine konačna rang lista ponuđača koji su učestvovali u e-aukciji je sljedeća:

ZA LOT 1			
Redni broj	Naziv ponuđača	Vrijednost ponude (bez PDV-a)	Rang
1.	“KM TRADE” d.o.o. Visoko	114.885,00 KM	1
2.	„SHOT” d.o.o. Zenica	115.000,00 KM	2

ZA LOT 2			
Redni broj	Naziv ponuđača	Vrijednost ponude (bez PDV-a)	Rang
1.	„KM TRADE” d.o.o. Visoko	44.955,00 KM	1
2.	„SHOT” d.o.o. Zenica	45.000,00 KM	2

Shodno navedenom, nakon provedene Faze II postupka javne nabavke policijske opreme za potrebe Agencije, prihvaćen je prijedlog Komisije I i odlučeno da se ugovor u postupku nabavke policijske opreme dodjeli ponuđaču „KM TRADE“ Visoko za LOT 1 i LOT 2 i ponuđaču „SHOT“ d.o.o. Zenica za LOT 3, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO

- Ponuđačima 3x,
- Sektoru za mat.-fin. poslove,
- a/a.

DIREKTOR
GLAVNI GENERALNI INSPEKTOR POLICIJE



Darko Čulum